



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola I. Lvcii Papae II. Ad Petrvm Clvniacensem Abbatem. De sua
aegritudine, & treuga cum rege Siciliae inita.

urn:nbn:de:hbz:466:1-15588

sui, diem obiit, quinto Kalendas Martii, cum sedisset mens
ses vndeclim, dies vero quatuordecim. In codice Vaticano,
qui inscribitur de priuilegiis Romanæ ecclesiæ, inter res
gestas Lucii, ait Baronius, de occasione obitus eius afferi-
tur, ipsum cum Romanos ad noua studia concitatos a Ca-
pitolio depellere conaretur, incerto lapidis iætu percus-
sum, inde ægrotasse, & ex hac vita migrasse. Huius pontifi-
cis tempore Alphonsus Portugalliaæ dux pietatis ergo suum
ducatum constituit Romanæ ecclesiæ vetigalem, annuo
censu vnciarum auri quatuor: ita Innocentius III. episto-
la 100. lib. 1. epistolarum. Atque ita Romanis Romanæ ec-
clesiæ rebellantibus & aduersantibus principes longe positi
eamdem venerantes illi sese sponte subiiciunt. Huius pon-
tificis diebus, scribit Otto Frisingensis de gestis Friderici
lib. 1. cap. 27. & 28. Arnoldus, alias Arnaldus, quidam re-
ligionis habitum habens, sed eum minime, ut ex doctrina
eius patuit, seruans, ex ecclesiastici honoris inuidia vrbem
Romam ingreditur, ac senatoriam dignitatem equestrem
que ordinem renouare ad instar antiquorum volens, to-
tam pene Vrbem ac præcipue populum aduersus pontifi-
cem suum concitauit, eaque de re literas, quas idem Otto
loco supradicto refert, ad Conradum imperatorem de-
derunt. Sectatores huius Arnaldi Arnaldistæ dicuntur
hæretici; quibus ex Romanis, iisque obscurioribus, pauci
dumtaxat adhaerunt, & nominantur Romani Arnaldistæ.
Horum machinationibus, auctore & consultore Arnaldo, acciderunt quæ ex Ottone Frisingensi in vita Euge-
nii III. narrantur infra.

E P I S T O L A I.

L V C I I P A P Æ II.

AD PETRVM CLVNIA CENSEM ABBATEM.

De sua ægritudine, & treuga cum rege Siciliæ inita.

*Lucius episcopus seruus seruorum Dei dilecto filio Petro Clunia-
censi abbati salutem & apostolicam benedictionem.*

DILECTIONIS tuæ literas debita benignitate suscep-
imus, & petitiones tuas, quæ nobis & fratribus nostris
rationabiles visæ sunt, libenter admisimus. De statu vero

V iiij

158 LVCII PAPÆ II. EPISTOLÆ.

nostro te sollicitum cognoscentes , scire te volumus, quia omnipotens Dominus sua nos gratia visitauit , castigans castigauit, sed morti non tradidit. Per ipsius misericordiam conualescimus , & pristinam sanitatem in breui nos recepturos speramus. Ad colloquium regis Siciliæ descendimus ; & quia ad honorem Dei & ecclesiæ suæ firmam pacem cum eo facere non potuimus , instanti tamen ipsius violentia nos cogente , treugam cum eo compoſuimus. Placet autem nobis, vt, sicut literis tuis significasti, tredecim de fratribus tuis , quam citius poteris ad nos transmittas : quia nos, Domino auxiliante, eos honeste recipere , & ad honorem Dei & Cluniacensis ecclesiæ collocare curabimus. Sanctam congregationem vestram pro nobis orantem gratia diuina custodiat , & ab omnibus peccatis absoluat. Datum Laterani decimo Kalendas Octobris.

EPISTOLA II.

LVCII PAPÆ III.

AD REGEM CONRADVM.

De sua oppressione : & ipsum ad patrocinium ecclesiæ Romanæ inuitat.

*Lucius episcopus seruus seruorum Dei carissimo filio Conrado
Romanorum regi illustri salutem & apostolicam
benedictionem.*

Jacob. 1.

OMNE datum optimum , &c. Populus enim Romanus nullas insaniae suæ metas ponere volens , senatoribus , quos ante instituerat , patricium adiiciunt , atque ad hanc dignitatem Iordanem Petri Leonis filium eligentes , omnes ei tamquam principi subiiciuntur. Et infra : Deinde pontificem suum adeunt , ac omnia regalia eius , tam in Vrbe quam extra posita , ad ius patricii sui reposcunt ; eumque more antiquorum sacerdotum de decimis tantum & oblationibus sustentari oportere dicentes , de die in diem animam iusti affligere non timuerunt.